

opremljen je najsavremenijim strojevima proizvodnje danske firme HOYER, kapaciteta 100.000 kom sladoleda u jednoj smjeni. Proizvodnja je potpuno automatizirana, tako da je učešće čovjeka minimalno, tj. da stavi sirovinu i skine s beskrajne trake gotov zapakovani sladoled. Pogon je opremljen kompletnim strojevima i pomoćnim uređajima potrebnim za pripremu i pasteurizaciju smjese, homogenizaciju, hlađenje i zrenje, frizerima i rotacionim »Rollo« strojem, te kompresorima za hlađenje sladoleda kod proizvodnje i uskladištenja. Svi strojevi i pomoćni uređaji s kojima dolazi smjesa ili sladoled u dodir, izrađeni su od nezardjiva čelika i materijala koji podnose djelovanje kemijskih sredstava za sterilizaciju.

Izgradnjom ovog modernog industrijskog objekta, čije investicije iznose oko 150 miliona dinara, u mnogome će se poboljšati finansijski položaj mljekare i nadoknaditi gubitke koji nastaju u prometu mlijekom. S ovalo visokim kapacitetima, kvalitetom i asortimanom proizvoda, moći će se redovno snabdijevati široko potrošačko područje i izvan okvira SR Bosne i Hercegovine. Na temelju postignutih ugovora pored Sarajeva mljekara redovno snabdijeva sladoledom Beograd, Osijek, Zenica, Tuzla, Mostar, Brčko i nekoja mjesta u srednjem Primorju, tako da već danas ne dolazi u pitanje izvršenje postavljene plana proizvodnje, pošto se daleko premašuje.

Zahvaljujući svestranom zalaganju cijelog kolektiva Centralne mljekare na uvođenju nove proizvodnje sladoleda, te na osnovu postignutih rezultata, moguće je očekivati vanredne uspjehe još u prvoj godini proizvodnje, a naredne potrebno je, kako bi se još bolje iskoristio kapacitet i radna snaga, proširiti potrošačko područje i obezbijediti potrošačima kvalitetan i higijenski sladoled.

Vijesti

Ekskurzija članova udruženja mljekarskih radnika SRH u Italiju

U toku mjeseca lipnja o. g. Udruženje mljekarskih radnika SRH organiziralo je za svoje članove ekskurziju u Italiju.

Učesnici ekskurzije posjetili su u Milanu — Centralnu mljekaru i među ostalim tvornicu sladoleda »Eldorado«.

U Lodiu posjetili su Mljekarski institut, gdje im je demonstrirana i savremena proizvodnja jogurta, te razgledali tamošnju eksperimentalnu mljekaru, kao i tvornicu mljekarskih uređaja M. Sordi.

U Reggio Emiliu posjetili su Zadružnu centralnu mljekaru koja proizvodi konzumno mlijeko i ima ogromna centralna skladišta za svoje članice za sir parmezan.

Učesnici ove ekskurzije bili su svuda primani s pažnjom i susretljivošću, a i pružena im je bila mogućnost da vide savremenu obradu konzumnog mlijeka, jogurta, industrijskog sladoleda, topljenog sira, parmezana i ostalih proizvoda.

Kraj Lodia razgledali su i savremenu maslarnu, te još neka poljoprivredna dobra.

Za uspješnu organizaciju navedenih posjeta naročito je zaslužan prof. dr Paolo Renko koji je svojim ličnim zalaganjem omogućio te posjete, a ujedno zahvaljujemo na srdačnom prijemu i upravi Mljekarskog instituta u Lodiu. Ekskurzija je pridonijela upoznavanju članova Udruženja savremenom proizvodnjom u mljekarstvu te se preporuča da Udruženje i nadalje organizira slične ekskurzije bilo u Italiju, ili koju drugu zemlju. Mišljenja sam, alko je moguće, organizirati ekskurzije, posebno za one koje zanimaju konzumne mljekare, a posebno za sirarstvo, odnosno maslarstvo, proizvodnju sladoleda, organizaciju rada, ekonomiku i trgovinu mlijekom i mlječnim proizvodima i dr.



Učesnici ekskurzije

(Foto: M. Đogić)

Ovo je bila prva ekskurzija, koju je ovo Udruženje organiziralo, pa se nadam da će ono koristiti tom prilikom stečeno iskustvo i tako još uspješnije organizirati druge stručne ekskurzije za svoje članove.

M. Đ.

Odluka o minimalnoj otkupnoj cijeni kravljeg mlijeka u god. 1963. i 1964. — U Sl. listu SFRJ br. 26 od 25. VI — 1963. donesena je odluka o minimalnoj otkupnoj cijeni kravljeg mlijeka, po kojoj minimalna cijena za jednu masnu jedinicu iznosi 14 d.

Minimalna cijena primjenjivat će se i pri međusobnom obračunavanju pogona za proizvodnju kravljeg mlijeka i pogona za preradu ili promet kravljeg mlijeka iste privredne organizacije odnosno ustanove.

Odluka o određivanju premije za kravlje mlijeko u god. 1963. (Sl. list SFRJ br. 26/63.) — Privrednim organizacijama i ustanovama, koje se bave proizvodnjom kravljeg mlijeka, isplaćuje se premija (iz saveznog budžeta za

regres i premije u oblasti poljoprivrede) u iznosu od 15 d po 1 l kravljeg mlijeka vlastite proizvodnje, prodanog ili isporučenog privrednim organizacijama i ustanovama, koje se bave prometom ili preradom mlijeka i drugim organizacijama i ustanovama. Premija po 1 l kravljeg mlijeka isplaćuje se i kad spomenute organizacije i ustanove prodaju, odnosno prerade mlijeko u svojim pogonima.

Premija od 15 d iz saveznog budžeta ostvaruje se uz uvjet da kupac odnosno prerađivač ostvari premiju od 7.5 d po 1 l kravljeg mlijeka, koja se osigurava republičkim propisima.

Premija po ovoj odluci isplaćivat će se od 1. VII do 30. XI 1963., a od 1. XII 1963. samo onim proizvođačkim organizacijama i ustanovama, koje su u proizvodnji mlijeka uveli matično knjigovodstvo, selekciju i kontrolu produktivnosti muznih krava.

Naprijed navedene odluke stupile su na snagu 8 dana po objavljivanju u Sl. listu SFRJ.

Naredba za primjenu odluke o određivanju premije za kravlje mlijeko u god. 1963. — (Sl. list br. 28 od 17. VII 1963.) — Privredne organizacije i ustanove, koje se bave proizvodnjom kravljeg mlijeka, ostvaruju od 1. VII o.g. premiju za kravlje mlijeko podnošenjem zahtjeva filijali Narodne banke kao osnovnoj organizacionoj jedinici Službe društvenog knjigovodstva kod koje imaju žiro račun.

Premija se isplaćuje za kravlje mlijeko koje sadržava najmanje 3.6% mliječne masti.

Ako kravlje mlijeko sadržava manje od 3.6% mliječne masti, količine takovog mlijeka preračunavaju se na količine mlijeka masnoće 3.6%.

Matično knjigovodstvo, selekciju i kontrolu produktivnosti muznih krava privredna organizacija i ustanova vode po stručnim uputstvima koja izdaje Jugoslavenski stočarski selekcionni centar u Beogradu.

U naredbi se navodi što treba priložiti uz zahtjev za premiju i kako treba postupati da se ostvari premija.

Tržište i cijene

Sniženje carine od 1. VII 1963. U međusobnom prometu između država članica EZT sa 1. VII o.g. stupilo je na snagu sniženje carine za 10%. Carinske stavke se izjednačuju sa zajedničkim carinskim stavkama EZT samo za zanatsku robu, tako da carinske stavke za agrarne proizvode prema drugim državama ostaju nepromijenjene.

Carinska stavka za *maslac* između država članica EZT od 1. VII o.g. iznosi 13.7%, a za druge države 24%. Porez na promet ostaje nepromijenjen 3%.

E mentalac — Carinska stavka za druge države za ementalac najmanje 8 mj. star — sa 45% masti u suhoj tvari, najniže cijene DM 380 uz predočenje priznatog certifikata iznosi kao dosad 6.9% uz dodatak od 21 DM. Kad se takav ementalac dobavlja iz zemalja članica EZT carinska stavka od 1. VII o.g. iznosi 18 DM.